

难经会通

難經會通

附

秦越人事蹟考
歷代難經注家考

戊子季夏陳郁題



中華民國卅七年
歲次戊子季夏月
中南山人書於樊
川瀟陽樂素洞印

難經會通序

吾友黃君竹齋。關中名士也。余昔遇於臨潼王敬如先生之
所。觀其器識之宏深。聽其言論之淵博。竊嘆真天下之奇士。
儕輩中殆莫之及也。愚以樗櫟庸才。不足與共學。遂退而藏
拙於南野。而竹齋抱有大志。敏有為于時。自茲以往。或一歲
一見。或數歲不見。如是者蓋有年矣。今竹齋年逾花甲。知時
之不可為。且厭城市之囂塵。卜居於韋杜之間。樊川之澗。少
陵之麓。鑿土為室。徧曰樂素洞。率妻孥而居焉。掩關著述。意
謂雖不克行其所學於時。或可傳之於後也。愚聞而嘆曰。洵
古之高人也。豈今世之士哉。竹齋敏而好學。老而彌篤。祁寒
盛暑。手不釋卷。於經史子集之餘。兼通堪輿星象。尤精於醫

戊子夏五過我南野山莊。手一編示余曰：此吾所注之難經會通。請子序之。予聞而愕然曰：僕學謏陋，又不知醫，烏足以序其大注乎？竹齋笑曰：子雖不知醫，亦忘曩者為子療痼疾耶？余恍然而悟。僕於庚辰初夏，偶患風痺，口目喎斜而言侏離，手足攣拘而體半枯，其不復舉動者幾月餘矣。中西醫士迭經二十餘輩，鍼灸熨洗外治已徧，湯膏丸散內服殆盡，厥疾不惟不瘳，而反沈痼。人竟束手而無策，予亦奄奄而待斃矣。吾友聞而自至，曰：子曷而獲斯疾乎？我其為子鍼之。余瞿然而拒之，曰：前一醫者與僕鍼而潰，膿血流至數碗，現猶腿腫如盜，苦不堪述。僕雖至愚，抑不鑑前車之覆乎？竹齋粲然曰：吾之鍼，其諸異乎彼之鍼？侍疾者褰予衣，捧予手，竹齋抽

鍼刺其臂之曲池肩髃股之環跳絕骨。鍼斯拔而手斯舉。不
倩扶持而自作矣。遂手舞足蹈。周旋於庭者。十有四匝。即投
杖而拜曰。真神醫也。恐扁鵲復生。南陽再世。殆莫之過歟。愚
知妙術必有所自。詢之再四。笑而不言。及去。愚送至門外。高
歌子。朱子贈醫者之詩以頌之。曰。十載扶行仗短筇。一鍼相
值有奇功。出門放步人爭看。不是從前勃窣翁。嗚乎。疇昔愚
叩而不答者。今則方悉其妙術之果有自也。憶僕少時嘗讀
修園三字經云。醫之始。本岐黃。靈樞作。素問詳。難經出。更洋
洋。亟搜難經。而獲餘姚滑氏本義及四明張氏圖註。而經之
辭嚴義奧。讀不易曉。考諸兩註。頗有發明。然倍厥經旨。而穿
鑿矛盾者。亦復不貳。茲雖有難經。而猶茫然不可涯涘矣。今

讀吾友是注。蓋折衷乎羣言。參經驗之自得。凡嚮之略而未
盡者。今則詳且備。嚮之疑而未晰者。今則辨且明。發前賢之
未發。悟後人之未悟。所謂融會貫通者。豈徒云哉。雖以愚之
不敏。一覽即能領略。矧穎悟乎。而世之專業醫者。苟得此編
熟讀而精究之。詎惟難經獲厥門徑而已。即素問之堂。靈樞
之室。庶乎階此階而升矣。

著雍困敦徂暑初吉同學弟壬子靖竹石甫序於南野山莊
之竹深處



白雲閣原本難經序

吾國先秦醫典相傳迄今而完全無關者神農本草經而外。惟秦越人難經而已。然考史記扁鵲列傳不言其著書。而前漢書藝文志有扁鵲內經九卷。外經十二卷。未列難經之名。張仲景傷寒雜病論集云。撰用素問九卷。八十一難。皇甫謐帝王世紀云。黃帝命雷公岐伯論經脈。旁通問難八十一為難經。隋書經籍志有黃帝八十一難二卷。王勃黃帝八十一難經序云。黃帝八十一難。是醫經之秘錄也。昔者岐伯以授黃帝。黃帝歷九師以授伊尹。伊尹以授湯。湯歷六師以授太公。太公以授文王。文王歷九師以授醫和。醫和歷六師以授秦越人。越人始定立章句。歷九師

以授華陀。陀歷六師以授黃公。黃公以授曾夫子。夫子諱元字真道。自云京兆人也。云云。唐書經籍志有黃帝八十一難經一卷。秦越人著。新唐書藝文志作秦越人黃帝八十一難經二卷。據此則黃帝八十一難與秦越人難經同為一書也無疑。蓋難經乃撝靈素之精要。闡軒岐之奧秘。經文有引端未發而疑者。設為問答之辭。以暢明厥旨。探賾索隱。辨析精微。詞簡而義博。理深而旨遠。洵醫家之寶典也。自吳呂廣註後。唐有楊玄操。宋有丁德用。虞庶。周與權。王宗正。金有紀天錫。張元素。元有袁坤厚。謝緡。孫陳瑞。孫滑伯仁。諸家注解。今世僅存滑氏難經本義。餘書盡佚惜哉。明王九思輯呂廣。楊玄操。丁德用。虞庶。楊康侯。五家

為難經集註。張世賢又廣采十二家註演繹圖表。撰難經圖註。至清乾隆時。徐靈胎以諸家註解多違經旨。適取靈素本文以經解經。撰難經經釋。刊落陳言。直探本源。為註難經者獨開生面。同時松江丁錦遊武昌。客參政朱公所。得古本難經。其章節次序分類編纂。綱舉目張。脈通絡貫。較滑氏以下諸本不同者三十餘條。乃采呂廣至明十七家之註。撰為古本難經闡註上下二卷。於是難經乃有古文一派之學。近人南通司樹屏難經編正。郵縣陳頤壽闡註校正。皆以是為藍本。丁丑歲孟夏。余在南京羅哲初先生處。獲觀其珍藏白雲閣原本難經一冊。云得諸先師桂林左修之先生傳授。余持歸校閱。其書章次雖不異丁氏

古本而文辭簡潔曉暢訂正古本訛衍錯脫者不遑枚舉
原文晦澀支蔓有經前人註釋千百言尚不克了解者茲
乃不煩費辭而義理昭然較諸丁氏古本實為優勝余愛
不忍釋因手鈔一冊並請羅君公之於世旋余應承淡庵
先生之邀至無錫中國鍼灸專門學校演講該校同學百
餘人多有不遠數千里負笈而來其好學之心誠堪嘉許
愧余謏陋無以為贈因將本書分期登刊於該校出版之
鍼灸雜誌以供同仁先覩為快僅登三期而國難作無錫
南京相繼淪陷承君逃難於湘羅氏不知去向幸茲副本
尚存余家張公伯英捐貲將余獲羅氏之仲景十二稿傷
寒雜病論鈔板並刻此經以廣流傳因考其淵源如右云

中華民國二十八年仲夏衛生署中醫委員會委員中央
國醫館理事兼編審委員黃維翰竹齋甫識於西安中醫
救濟醫院

難經會通序

丁丑夏余在南京得羅哲初所藏白雲閣秘本難經越二
年己卯為之存刊公世。顧其書辭簡義賅非註莫明因不
揣謏陋爰采羣註間摭鄙臆以其繼余所撰周易會通而
成書因亦命名難經會通焉。其書原文與丁錦蘭註之古
本難經章次咸同而字句多異。按日人丹波元胤難經疏
證解題載吳文正公贈醫士章伯明序曰昔之神醫秦越
人撰八十一難後人分其八十一為十三篇予嘗慊其分

篇之未當釐而正之。其篇凡六。一至二十二論脈。二十三至二十九論經絡。三十至三十七論藏府。三十八至六十一論病。六十二至六十八論穴道。六十九至八十一論鍼法。夫秦氏之書與內經素靈相表裏。而論脈論經絡居初。豈非醫之道所當先明此者歟。予喜讀醫書。以其書比他書最古也。文正公名澄。字幼清。學者稱草廬先生。撫州崇仁人。元史有傳。稱其於易春秋禮記各有纂言。盡破傳註穿鑿。條歸紀叙。精明簡潔。卓然成一家言。又校定皇極經世書。老子莊子太玄經樂律八陣圖郭璞葬書四庫全書總目提要易纂言下云。澄於諸經好臆為點竄。惟此書所改則有根據者為多。其解釋經義詞簡理明。融貫舊聞。亦

頗眩洽。據此則知是書為吳草廬所校定，未刊為醫家所秘，而佚其名者也。丁氏所得之古本，蓋為草廬僅依原文分類釐定其章次，而未及修正其辭句之初稿也。今既為之註，爰掇輯秦越人事蹟考，歷代難經註家考，附列卷後。因稽其書之所自如右，以質正當世博雅君子云。

中華民國三十四年孟夏中南山人識於樊川樂素洞時年六十



Blank columns for text or commentary.



Faded vertical text columns, likely bleed-through or ghosting from the reverse side of the page.

難經會通

秦越人扁鵲著

長安黃維翰竹齋述

一難曰十二經中皆有動脈獨取寸口可決五藏六府生死吉凶何也

作本書此書越人之首關發黃帝內經曰者微言真旨辨論疑難而

之十動脈於外按之三應手也陽十合二為經十二經中皆有動脈謂者經太

動合脈谷陽絡木宛足陽府明脈動尺澤經渠太淵手陽明脈

陰衛氣神門手足太陽脈動箕門衝門手足太陽脈動委中富崙少海

參足陽少陰脈動曲垣臑會和窈足少陰脈動臑會和窈足少陰脈動臑會和窈

其動行間五里陰廉上一寸是也太淵經內經之所謂氣口寸以

大衛

佳聲會通

一難

口。决斷也。五藏。肝心脾肺腎也。六府。膽胃小腸大腸三焦膀胱也。生死吉凶病之情狀也。

然寸口者脈之大會。手太陰之動脈也。人以呼吸為一息。

脈行六寸。一呼脈行三寸。一吸脈行三寸。平人一日夜一

萬三千五百息。脈行五十度。漏水下百刻。週於一身。榮衛

行陽二十五度。行陰亦二十五度。復會於寸口。故寸口者

為五藏六府之終始。生死吉凶皆可決之也。

然者。設為答辭。以詳釋其義也。會。聚也。手太陰。肺之經也。靈樞。本輸云。肺。注。釋。于。太。淵。太。淵。魚。後。一。寸。陰。陷。者。中。

也。為。陰。之。動。脈。也。呼。出。氣。也。吸。內。氣。也。寸。一。呼。者。一。脈。吸。是。大。會。

一息。蓋。人。居。氣。交。之。中。藉。呼。吸。以。營。運。氣。血。而。為。生。活。

之。原。動。九。靈。樞。脈。度。云。手。之。六。陽。從。手。至。頭。長。五。尺。五。活。

六。三。丈。手。之。六。陰。從。手。至。胸。中。三。尺。五。寸。三。六。一。丈。八。尺。五。六。尺。三。合。二。丈。一。尺。足。之。六。三。陽。從。足。上。至。頭。八。尺。三。六。尺。四。丈。八。尺。三。尺。合。三。丈。九。尺。至。臍。脈。中。從。足。至。目。七。尺。六。尺。